

# **Odluka kojom se proglašavaju izmjene i dopune Zakona o Centru za edukaciju sudija i tužilaca u Federaciji Bosne i Hercegovine**

**Koristeći se ovlaštenjima** koja su Visokom predstavniku data u članu V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja gore navedenog Sporazuma o implementaciji civilnog dijela Mirovnog ugovora; i posebno uvezši u obzir član II 1. (d) istog Sporazuma prema kojem Visoki predstavnik "pomaže, kada Visoki predstavnik to ocijeni neophodnim, u rješavanju svih problema koji se pojave u vezi sa implementacijom civilnog dijela Mirovnog ugovora";

**Pozivajući se** na stav XI.2 Zaključaka Konferencije za implementaciju mira održane u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u vezi sa tumačenjem Sporazuma o implementaciji civilnog dijela Mirovnog ugovora, kako bi pomogao u iznalaženju rješenja za probleme u skladu sa gore navedenim "donošenjem obavezujućih odluka, kada to ocijeni neophodnim", o određenim pitanjima, uključujući i (prema podstavu (c) stava XI.2) "mjere kojima se obezbeđuje implementacija Mirovnog sporazuma na cijelom području Bosne i Hercegovine i njenih entiteta";

**Pozivajući se** na stav I.2.a Zaključaka Konferencije za implementaciju mira održane 9. i 10. decembra 1997. godine u

Bonu prema kojem je uočeno "da je nepristrasno i nezavisno pravosuđe od suštinskog značaja za vladavinu zakona i pomirenje u Bosni i Hercegovini", te da se u tom cilju "mora osnovati institucija za edukaciju sudija i tužilaca";

**Imajući u vidu** Evropsku Povelju o statutu sudija usvojenu na multilateralnom sastanku održanom u Strazburu od 8. do 10. jula 1998. godine, kojeg je organizovalo Vijeće Evrope, a kojom je ukazano da se stručnost, nezavisnost i nepristrasnost pravosuđa može dijelom garantovati obezbjeđivanjem odgovarajuće edukacije za sudije, koju će finansirati država, da bi se kandidati pripremili za obavljanje pravosudne funkcije, a da nezavisno tijelo zaduženo za odabir, angažovanje, imenovanje i napredovanje u karijeri sudija osigura prikladne programe za edukaciju kao i odgovarajuću organizaciju koja će ih provesti;

**Imajući u vidu** Komunike Upravnog odbora Vijeća za implementaciju mira od 7. maja 2002. godine u kojem je Upravni odbor ponovo naglasio potrebu za provođenjem temeljite reforme pravosudnog sistema i za pružanjem pune podrške toj reformi, te pozdravio namjeru Visokog predstavnika da osigura okončanje prve faze reforme "obezbjeđivanjem uspostavljanja centara za edukaciju u oba entiteta čiji će rad koordinirati Visoko sudsko vijeće".

**Uzimajući u obzir** značaj Centra za edukaciju sudija i tužilaca za poboljšanje vršenja pravosudne funkcije kao i za usavršavanje sposobnosti i znanja sudija i tužilaca potrebnih za jačanje vladavine zakona i zaštitu prava i sloboda građana, kao što se garantuje članom 6. Evropske konvencije o zaštiti ljudskih prava i temeljnih sloboda;

**Pozivajući se** načinjenicu da je 23. maja 2002. godine Visoki predstavnik donio Odluku kojom se proglašava Zakon o centru za edukaciju sudija i tužilaca u Federaciji Bosne i Hercegovine (Službene novine Federacije Bosne i Hercegovine br. 22/02, koji je kasnije usvojen u Parlamentu Federacije Bosne i

Hercegovine i objavljen u Službenim novinama Federacije Bosne i Hercegovine br. 40/02);

**Svjestan** potrebe za osiguranjem optimalnih uslova za osnivanje navedenog Centra;

**Imajući u vidu** vrijednost snažne i efikasne rukovodne strukture;

Razmotrivši i imajući u vidu gore navedena pitanja, Visoki predstavnik ovim donosi sljedeću

### **ODLUKU**

**kojom se proglašavaju izmjene i dopune Zakona o Centru za edukaciju sudija i tužilaca u Federaciji Bosne i Hercegovine, koje su priložene kao sastavni dio ove Odluke.**

Navedene izmjene i dopune stupaju na snagu kao zakon Federacije Bosne i Hercegovine u roku određenom u članu 8. tog zakona, na privremenoj osnovi, dok ga Parlament Federacije Bosne i Hercegovine ne usvoji u odgovarajućem obliku bez izmjena i dopuna i postavljanja bilo kakvih uslova.

Ova Odluka stupa na snagu odmah i objavljuje se bez odlaganja u Službenim novinama Federacije Bosne i Hercegovine.

*Sarajevo, 1. novembar 2002*

*Paddy Ashdown  
Visoki predstavnik*

---

**ZAKON O IZMJENAMA I DOPUNAMA ZAKONA O CENTRU ZA EDUKACIJU SUDIJA I TUŽILACA U FEDERACIJI BOSNE I HERCEGOVINE**

**Član 1.**

U cijelom tekstu Zakona o centru za edukaciju sudija i tužilaca u Federaciji Bosne i Hercegovine ("Službene novine Federacije Bosne i Hercegovine", br. 22/02 i 40/02) riječi "Visoko sudska vijeće" zamjenjuju se riječju "Vijeće" u odgovarajućem padežu.

## Član 2.

U članu 5., stav 3. zamjenjuje se novim stavom koji glasi:

"Vijeće odobrava izbor i imenovanje članova Upravnog odbora i, u skladu sa članovima 5a. i 5b. ovoga zakona, odbija njihov izbor i imenovanje i odlučuje o njihovom privremenom udaljavanju od vršenja dužnosti ili prestanku mandata."

## Član 3.

Iza člana 5. dodaju se novi članovi 5a., 5b., 5c. i 5d. koji glase:

"Član 5a.

Prestanak mandata\_

Mandat člana Upravnog odbora prestaje:

1. prestankom dužnosti na osnovu koje je član izabran ili imenovan u Upravni odbor;
2. nakon isteka vremenskog perioda na koji je član izabran ili imenovan;
3. podnošenjem ostavke;
4. ako ne vrši svoje dužnosti na pravilan, efikasan i nepristrasan način ili ako ne ispunjava obaveze koje proističu iz dužnosti koju obavlja;
5. kada počini djelo zbog kojeg postaje nedostojan funkcije člana Upravnog odbora;
6. kada mu je izrečena pravosnažna presuda za izvršeno krivično djelo za koje zakon predviđa kaznu zatvora, u kom slučaju mu automatski prestaje mandat.

Član Upravnog odbora čiji mandat ističe na osnovu tačke 2. stava 1. ovog člana nastavit će ostvarivati prava i vršiti dužnosti člana Upravnog odbora sve do izbora i imenovanja novog člana.

Mandat člana Upravnog odbora prestaje u skladu sa tačkom 3. stava 1. ovog člana na dan kada predsjedavajući Upravnog odbora primi njegovu pismenu ostavku, a u skladu sa tačkom 4. i 5. stava 1. ovog člana kada ga Vijeće smijeni sa dužnosti.

### Član 5b.

#### Privremeno udaljenje od vršenja dužnosti

Vijeće privremeno udaljava od vršenja dužnosti člana Upravnog odbora protiv koga je nadležni tužilac podigao optužnicu, kao i člana koji je stavljen u pritvor.

Vijeće privremeno udaljava od vršenja dužnosti člana Upravnog odbora koji je privremeno udaljen sa funkcije na osnovu koje je izabran ili imenovan u Upravni odbor.

Vijeće može privremeno udaljiti od vršenja dužnosti člana Upravnog odbora protiv kojeg je pokrenuta krivična istraga ili disciplinski postupak, kao i zbog razloga koji mogu dovesti do prestanka mandata u skladu sa članom 5a. ovog zakona.

### Član 5c.

#### Novi članovi

Predsjednik Upravnog odbora obavještava tijelo nadležno za izbor ili imenovanje člana Upravnog odbora po članu 5. ovog zakona o isteku mandata pojedinog člana najmanje tri (3) mjeseca prije isteka tog mandata i traži od toga tijela da izabere novog člana Upravnog odbora, ili ako je riječ o ministru pravde Federacije Bosne i Hercegovine, da imenuje novog člana Upravnog odbora.

Ako je članu Upravnog odbora prestao mandat prije njegovog

isteka, novi član se bira i imenuje kao zamjena u skladu sa odredbama člana 5. stav 3. ovog zakona i mandat mu traje do isteka mandata člana koga zamjenjuje. Novi član može da bude član Upravnog odbora još jedan mandat nakon isteka mandata člana Upravnog odbora koga zamjenjuje.

U slučaju prestanka mandata člana Upravnog odbora, predsjednik Upravnog odbora o tome obavještava tijelo nadležno za izbor ili imenovanje novog člana. Predsjedniko tomeobavještava nadležno tijelo najkasnije u roku od 30 dana nakon prestanka mandata.

#### **Član 5d.**

#### **Predsjednik**

Predsjednik Upravnog odbora se bira većinom glasova članova koji su prisutni i koji glasaju. Mandat predsjednika traje dvije i po (2,5) godine ili dok njegov mandat ne istekne ili prestane iz drugih razloga u skladu sa članom 5a. ovog zakona, zavisno od toga šta ranije nastupi.”

#### **Član 4.**

U članu 8., tačka 5., iza riječi “direktora Centra” dodaju se zarez i riječi “u konsultaciji sa Vijećem”.

#### **Član 5.**

U članu 11., stav 3., tačka 4. briše se.

Dosadašnja tačka 5. postaje tačka 4.

#### **Član 6.**

Član 20. briše se.

#### **Član 7.**

U članu 21., riječi “u roku od 30 dana od dana proglašenja članova Upravnog odbora u skladu sa članom 20. stav 4. ovog

zakona” se brišu.

### **Član 8.**

Ovaj zakon stupa na snagu osmog dana od dana objavljivanja u “Službenim novinama Federacije Bosne i Hercegovine”.